



Broj: 02-05-6784-25/14
Sarajevo, 08.04.2014. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst i 38/13), Vlada Kantona Sarajevo, na **61.** sjednici održanoj **08.04.2014.** godine, donijela je sljedeći

ZAKLJUČAK

1. Prima se na znanje Informacija o stanju kriminaliteta, javnog reda i mira i sigurnosti saobraćaja na području Kantona Sarajevo za mjesec februar 2014. godine.
2. Informacija iz tačke 1. ovog Zaključka dostavlja se Skupštini Kantona Sarajevo, informativno.

P R E M I J E R

Suad Zeljković

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo unutrašnjih poslova
5. Evidencija
6. A r h i v a



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



**MINISTARSTVO UNUTRAŠNJIH POSLOVA
SARAJEVO**

**I N F O R M A C I J A
O STANJU KRIMINALITETA, JAVNOG REDA I MIRA I SIGURNOSTI
SAOBRAĆAJA NA PODRUČJU KANTONA SARAJEVO
ZA MJESEC FEBRUAR 2014. GODINE**

Sarajevo, mart 2014. godine

1.KRIMINALITET

1.1. OSNOVNI STATISTIČKI POKAZATELJI KRIMINALITETA

U mjesecu februaru 2014. godine, na području Kantona Sarajevo registrovano je 499

krivičnih djela¹ što je za devet ili 1,8% manje u odnosu na isti mjesec prethodne godine (tabela 1,2,3).

Od ukupnog broja registrovanih krivičnih djela, 330 ili 66,1% izvršeno je od strane nepoznatih, a 169 ili 33,9% od strane poznatih izvršilaca (tabela 1).

Zbog postojanja osnova sumnje da su počinili krivična djela prijavljeno je 286 lica (31 više), od čega je 187 povratnika (10 više) u izvršenju krivičnih djela (ili 65,4%), 10 maloljetnika (jedan manje), a 166 lica je lišeno slobode (60 više). (tabela 1).

Od ukupnog broja krivičnih djela prijavljenih po nepoznatom izvršiocu, 161 djelo² ili 48,8% je naknadno rasvijetljeno, od čega su 84 krivična djela iz izvještajnog, a 77 je iz ranijeg perioda (tabela 1).

(tabela 1.) Osnovni statistički pokazatelji stanje kriminaliteta u mjesecu februaru 2014. godine

Broj KD			Broj KD koja su naknadno rasvijetljena		Broj prijavljenih lica			Lišeno slobode
Ukupno	od toga		Ukupno	od toga iz ranijeg perioda	Ukupno	od toga		
	po poznatom izvršiocu	po NN izvršiocu				maloljetnici	povratnici	
499	169	330	161	77	286	10	187	166

Iz naprijed navedenog proizilazi da su službenici Uprave policije MUP-a KS u mjesecu februaru 2014. godine ukupno rasvijetlili 330 krivičnih djela ili 66,1% što je za 1,6% manje u odnosu na isti mjesec prethodne godine (tabela 3).

(tabela 2.) Pregled kriminaliteta na području Kantona Sarajevo u mjesecu februaru 2014/13. godine posmatrano po glavama KZ FBiH-a (Sl. novine FBiH-a br. 36/03) i KZ BiH-a (Sl. glasnik BiH-a br.3/03)

KRIVIČNA DJELA PROTIV	februar 2014.	februar 2013.	uporedba		rasvj. februar 2014.	
			+/-	%	broj kd	%
ŽIVOTA I TIJELA	13	5	8	160%	13	100%
SLOBODE I PRAVA ČOVJEKA I GRAĐANINA	16	18	-2	-11,1%	15	93,8%
BRAKA, PORODICE I MLADEŽI	20	18	2	11,1%	20	100%
ZDRAVLJA LJUDI	24	14	10	71,4%	24	100%
IMOVINE	370	401	-31	-7,7%	203	54,9%
OKOLIŠA	0	1	-1	---	0	---

¹U ovom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 374 obavijesti (36 više) o događajima u kojima je pričinjena neznatna materijalna šteta.

² Struktura krivičnih djela za koja su naknadno identifikovani osumnjičeni izvršioци: teška krađa – 95 djela, krađa – 38, razbojništvo – 13, oštećenje tuđe stvari – osam, ugrožavanje sigurnosti i izazivanje opće opasnosti – po dva, teška krađa u pokušaju, prijevara i razbojništvo u pokušaju - po jedno djelo.

OPĆE SIGURNOSTI LJUDI I IMOVINE	8	9	-1	-11,1%	7	87,5%
SIGURNOSTI JAVNOG PROMETA	8	8	0	isto	8	100%
PRAVOSUĐA	9	2	7	350%	9	100%
JAVNOG REDA I PRAVNOG PROMETA	21	23	-2	-8,7%	21	100%
PRIVREDE I JEDINSTVA TRŽIŠTA TE KD IZ OBLASTI CARINA (KZ BiH)	0	1	-1	--	0	---
ZONDINOIM-a (Sl.novine KS br.38/07)	10	8	2	25%	10	100%
UKUPNO	499	508	-9	-1,8%	330	66,1%

U mjesecu februaru 2014. godine u odnosu na isti mjesec prethodne, zabilježeno je smanjenje broja registrovanih krivičnih djela za devet djela i to: u oblasti protiv imovine (za 31-no djelo), slobode i prava čovjeka i građanina (za dva), javnog reda i pravnog prometa (za dva), itd. dok je povećanje evidentirano u oblasti protiv zdravlja ljudi (za deset djela), života i tijela (za osam), braka porodice i mladeži (za dva), itd. (tabela 2).

(tabela 3.) Pregled prijavljenih i „rasvijetljenih“ krivičnih djela u mjesecu februaru 2014/13. godine po policijskim upravama

MJESEC	ORG. JEDINICA	MUP KS u sjed.	I PU	II PU	III PU	IV PU	V PU	ukupno
FEBRUAR 2014. GODINE	BROJ KRIVIČNIH DJELA	32	139	93	95	107	33	499
	BROJ „RASVIJETLJENIH“ KRIVIČNIH DJELA	33³	93	54	70	61	19	330
	PROCENAT „RASVIJETLJENOSTI“ KRIVIČNIH DJELA	103,1%	66,9%	58,1%	73,7%	57%	57,6%	66,1%
februar 2013. godine	BROJ KRIVIČNIH DJELA	23	142	113	94	94	42	508
	BROJ „RASVIJETLJENIH“ KRIVIČNIH DJELA	27	84	57	76	66	34	344
	PROCENAT	117,4%	59,2%	50,4%	80,9%	70,2%	81%	67,7%
uporedba februar 2014/13.	+/- KD	9	-3	-20	1	13	-9	-9
	+/- „RASVIJETLJENO“ KD	6	9	-3	-6	-5	-15	-14
	+/- % „RASVIJETLJENOSTI“	-14,3%	7,7%	7,7%	-7,2%	-13,2%	-23,4%	-1,6%

(tabela 4.) Pregled registrovanih krivičnih djela na području Kantona Sarajevo u mjesecu februaru 2014. godine

ČLAN	KZ	UKUPNO	KD ⁴	PP	NN	NR
			499	169	330	161
166	FBiH	UBISTVO	1	1	0	0
166/28	FBiH	UBISTVO U POKUŠAJU	1	1	0	0
172	FBiH	TEŠKA TJELESNA OZLJEDA	6	6	0	0
173	FBiH	LAHKA TJELESNA OZLJEDA	5	5	0	0
183	FBiH	UGROŽAVANUJE SIGURNOSTI	16	13	3	2
222	FBiH	NASILJE U PORODICI	20	20	0	0
238	FBiH	NEOVLAŠĆENA PROIZVODNJA I STAVLJANJE U PROMET OPOJNIH DROGA	6	6	0	0
239	FBiH	POSJEDOVANJE I OMOGUĆAVANJE UŽIVANJA OPOJNIH DROGA	18	18	0	0
286	FBiH	KRAĐA	71	10	61	38
287	FBiH	TEŠKA KRAĐA st 1.tačka a)	187	8	179	80

³ U mjesecu februaru 2014. godine, naknadno je rasvijetljeno je i jedno djelo iz mjeseca decembra prethodne godine (iz člana 323. KZ FBiH-a – Izazivanje opće opasnosti)

⁴ KD – ukupan broj registrovanih krivičnih djela, PP - broj djela počinjenih od strane poznatih izvršilaca, NN - broj djela počinjenih od strane nepoznatih izvršilaca, NR - broj naknadno rasvijetljenih krivičnih djela

287/B	FBiH	TEŠKA KRAĐA NA NAROČITO OPASAN ILI NAROČITO DRZAK NAČIN	9	1	8	15
287/28	FBiH	TEŠKA KRAĐA U POKUŠAJU	3	2	1	1
289	FBiH	RAZBOJNIŠTVO	58	1	57	13
289/28	FBiH	RAZBOJNIŠTVO U POKUŠAJU	3	1	2	1
290	FBiH	UTAJA	1	1	0	0
293	FBiH	OŠTECENJE TUĐE STVARI	21	11	10	8
294	FBiH	PRIJEVARA	11	5	6	1
295	FBiH	IZNUDA	1	1	0	0
300	FBiH	PRIKRIVANJE	5	5	0	0
323	FBiH	IZAZIVANJE OPCE OPASNOSTI	8	5	3	2
333	FBiH	UGROŽAVANJE JAVNOG PROMETA ZBOG OMAMLJENOSTI	1	1	0	0
336	FBiH	TEŠKA KRIVIČNA DJELA PROTIV SIGURNOSTI JAVNOG PROMETA	6	6	0	0
337	FBiH	NEUKAZIVANJE POMOĆI OSOBI OZLIJĐENOJ U PROMETNOJ NEZGODI	1	1	0	0
340	FBiH	UDRUŽIVANJE RADI ČINJENJA KRIVIČNIH DJELA	1	1	0	0
341	FBiH	UČESTVOVANJE U GRUPI LJUDI KOJA UČINI KRIVIČNO DJELO	3	3	0	0
346	FBiH	POMOĆ UČINITELJU POSLIJE UČINJENOG KRIVIČNOG DJELA	4	4	0	0
348	FBiH	DAVANJE LAŽNOG ISKAZA	1	1	0	0
358	FBiH	SPRJEČAVANJE SL. OSOBE U VRŠENJU SLUŽBENE RADNJE	1	1	0	0
359	FBiH	NAPAD NA SLUŽBENU OSOBU U VRŠENJU POSLOVA SIGURNOSTI	5	5	0	0
362	FBiH	NASILNICKO PONAŠANJE	7	7	0	0
371	FBiH	NEDOZVOLJENO DRŽANJE ORUŽJA ILI EKSPLOZIVNIH MATERIJAMA	6	6	0	0
373	FBiH	KRIVOTVORENJE ISPRAVE	2	2	0	0
ZON.	ZON.	ZONDINOM (SL. NOVINE KS br.38/07)	10	10	0	0

1.2. PREGLED KRIVIČNIH DJELA PO OBLASTIMA

1.2.1. KRIVIČNA DJELA PROTIV ŽIVOTA I TIJELA

U ovoj oblasti evidentirano je 13 krivičnih djela (osam više u odnosu na isti mjesec 2013. godine), i to: ubistvo i pokušaj ubistva - po jedno djelo (ovih djela nije bilo u uporednom mjesecu), teška tjelesna ozljeda – šest (tri više) i lahka tjelesna ozljeda – pet djela (tri više). Sva prijavljena djela iz ove oblasti su rasvijetljena, a zbog postojanja osnova sumnje da su ih počinili, nadležnom tužilaštvu podneseni su službeni izvještaji protiv 17 lica, a sedam je lišeno slobode.

- Zbog postojanja osnova sumnje da su u posljednjih godinu dana fizički zlostavljali dijete Ć.S. rođeno 2010. god. koje je usljed višestrukih povreda glave nanesenih tupim predmetom preminulo dana 25.02.2014. godine, čime bi počinili krivično djelo **iz člana 166. KZ FBiH-a (UBISTVO)** lišeni su slobode i uz službeni izvještaj predati nadležnom tužilaštvu na postupanje: Arnautović Salih (1986), Lipa Ena (1989), Lipa Emir (1957), Lipa Munira (1952) i Lipa Kenan (1982).
- Dana, 04.02.2014. godine, oko 18,00 sati u kući, ulici Humska, općina Novo Sarajevo, Ožegović Arnela (1995) je hicima iz vatrenog oružja – pištolja nanijeli teške tjelesne ozljede opasne po život Šarak Veldinu (1994). Zbog postojanja osnova sumnje da je počinila krivično djelo **iz člana 166. u vezi sa članom 28. KZ FBiH-a (ubistvo u pokušaju)** ista je lišena slobode i uz službeni izvještaj predata nadležnom tužilaštvu.

1.2.2. KRIVIČNA DJELA PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 16 krivičnih djela (dva manje) - ugrožavanje sigurnosti, za čije je izvršenje prijavljeno 16 lica, a tri su lišena slobode.

Krivična djela ugrožavanja sigurnosti evidentirana su na području sljedećih općina: Ilidža i Hadžići – po četiri, Stari Grad - tri, Novo Sarajevo – dva, Centar, Novi Grad i Vogošća – po

jedno, a počinjena su upućivanjem verbalnih prijetnji, pisanih prijetećih poruka i sl.

1.2.3. KRIVIČNA DJELA PROTIV BRAKA, PORODICE I MLADEŽI

U ovoj oblasti evidentirano je 20 djela (dva više) i to: nasilje u porodici, za čije je izvršenje prijavljeno 20 lica, a 15 je lišeno slobode.

Krivična djela nasilje u porodici evidentirana su na području općina: Ilidža – šest, Centar i Novi Grad – po pet, Novo Sarajevo – dva, Hadžići i Ilijaš - po djelo.

1.2.4. KRIVIČNA DJELA PROTIV ZDRAVLJA LJUDI

U mjesecu februaru ove godine prijavljena su 24 krivična djela iz oblasti protiv zdravlja ljudi (deset više) i to:

- Neovlašćena proizvodnja i stavljanje u promet opojnih droga (čl. 238. KZ FBiH) – šest,
- Posjedovanje i omogućavanje uživanja opojnih droga (čl. 239. KZ FBiH) – 18 djela.

Zbog postojanja osnova sumnje da su počinili navedena djela podneseni su službeni izvještaji protiv 28 lica, a 17 je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službene izvještaje protiv deset lica zbog postojanja osnova sumnje da su u proteklom periodu u više navrata kupovali opojnu drogu ("Marihuanu" i „Amfetamin“) od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo **iz člana 238. KZ FBiH-a (Neovlašćena proizvodnja i stavljanje u promet opojnih droga)**, te protiv 18 lica koji su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Ecstasy", itd.) čime bi počinili krivično djelo **iz člana 239. KZ FBiH-a (Posjedovanje i omogućavanje uživanja opojnih droga)**.

(Tabela 5.) Tabelarni prikaz oduzete količine opojnih droga

VRSTA OPOJNE DROGE	februar 2014. godine	februar 2013. godine
Marihuana (paketići)	22	3
Marihuana (JOINT - cigarete)	1	---
Heroin (paketići)	---	50
Amfetamin (u gramima)	12.115,00	---
Amfetamin (paketići)	11	9
Heptanon (Tablete – komada)	3	---
pribor sa ostacima droge	11	11

U proteklom mjesecu pripadnici Uprave policije sproveli su efikasne akcije na presijecanju "lanaca" trgovine opojnim drogama, što je rezultiralo zaplijenom veće količine opojne droge Amfetamin – preko 12 kg, identifikacijom i lišenjem slobode 10 lica (iz člana 238. KZ FBiH-a – Neovlašćena proizvodnja i stavljanje u promet opojnih droga).

Podneseno je osam zahtjeva za vještačenje nepoznate materije koja asocira na drogu po

naređenju nadležnih tužilaca Kantonalnog tužilaštva Kantona Sarajevo. Takođe s ciljem pronalazjenja narkotičkih sredstava izvršen je pregled 11 lica, sedam stambenih objekata i automobila po usmenim naredbama Opštinskog suda u Sarajevu.

1.2.5. KRIVIČNA DJELA PROTIV IMOVINE

U izvještajnom mjesecu, registrovano je 370 krivičnih djela protiv imovine, što je za 31 djelo ili 7,7% manje u odnosu na isti mjesec prošle godine. Među djelima iz ove oblasti najbrojnije su: teške krađe – 196 djela (67 manje), zatim krađe – 71 (15 više), razbojništvo – 58 (17 više), oštećenje tuđe stvari – 21 (sedam više), prijevara – 11 (pet više), teška krađa u pokušaju – tri (tri manje), itd.

Ukupno su 203 krivična djela iz ove oblasti rasvijetljena ili 54,9% što je za 4,7% manje u odnosu na mjesec februar prethodne godine.

Kada su u pitanju teške krađe, prema objektu izvršenja najbrojnija su bila motorna vozila (otuđenja pmv i “provale” u ista) - 106 puta (tri više), zatim stambeni objekti – 50 (52 manje), poslovni objekti - 36 (četiri manje), itd.

U mjesecu februaru ove godine izvršeno je 66 krivičnih djela teških krađa motornih vozila od čega je 14 ili 21,2% pronađeno i vraćeno vlasnicima (od strane policije MUP-a KS vraćeno je pet vozila, policije MUP-a RS-a – pet, drugih MUP-ova – jedno, od strane vlasnika pronađena su – dva vozila, dok je uz novčanu naknadu vraćeno jedno vozilo).

(Tabela 6.) Tabela prikaz broja otuđenih i vraćenih putničkih motornih vozila na području Kantona Sarajevo po policijskim upravama u mjesecu februaru 2014. godine

POLICIJSKA UPRAVA	I PU	II PU	III PU	IV PU	V PU	UKUPNO
broj otuđenih pmv	20	9	18	18	1	66
broj vraćenih pmv	2	1	4	7	0	14
% vraćenih pmv	10%	11,1%	22,2%	38,9%	0%	21,2%

Zbog postojanja osnova sumnje da su učestvovali u otuđenju motornih vozila, u mjesecu februaru lišeni su slobode M.Adi (1994) i K. Kemal (1981) i uz službeni izvještaj predati nadležnom tužilaštvu na postupanje.

Broj teških krađa motornih vozila u mjesecu februaru ove godine u odnosu na isti mjesec prethodne godine, povećan je za 21 ili 46,7%. (tabela 7.)

(Tabela 7.) Pregled broja otuđenih motornih vozila na području Kantona Sarajevo po policijskim upravama u mjesecu februaru 2014/13. godine

POLICIJSKA UPRAVA	I PU	II PU	III PU	IV PU	V PU	UKUPNO	
broj otuđenih vozila–februar 2014.g	20	9	18	18	1	66	
broj otuđenih vozila–februar 2013. g.	12	17	13	3	0	45	
<i>uporedba februar 2014/13. godina</i>	+, -	8	-8	5	15	1	21
	%	66,7%	-47,1%	38,5%	500%	---	46,7%

Prijavljeno je 71 krivično djelo krađe (15 više), koje su izvršene 21-nom na ulici (deset više), 18 puta u stambene objekte (osam više), 17 puta u poslovne prostore (jedna manje), devet

puta u vozila i na stajalištima GRAS-a (tri manje), itd. odakle su otuđivani novčanici, prehrambeni proizvodi, cigarete, željezni profili, kabal, bakreni oluci, tehnička roba, garderoba, itd.

U mjesecu februaru 2014. godine, registrovano je 58 krivičnih djela razbojništva (17 više), od čega je za 14 ili 24,1% identifikovan osumnjičeni izvršilac što je za 51,5% manje. Ova djela evidentirana su na području slijedećih općina: Novo Sarajevo – 17 (šest više), Novi Grad – 17 (13 više), Centar – 11 (dva manje), Ilidža – devet (šest više), Vogošća – tri (dva više) i Stari Grad – jedno (šest manje).

Razbojništva su izvršena prijetnjom upotrebe vatrenog oružja - 36 puta, prijetnjom upotrebe noža - 12 i upotrebom fizičke snage – 10 puta, a počinjena su u prodavnicama – 32 puta, na ulici -osam, u sportskim kladionicama – 13, na benzinskoj pumpi – dva, itd. Otudivan je novac, mobiteli, tašne, jedno motorno vozilo, laptop, itd.

Zbog postojanja osnova sumnje da su ih počinili nadležnom tužilaštvu podneseni su službeni izvještaji protiv 13 lica, a 10 je lišeno slobode.

Evidentirano je devet krivičnih djela teških krađa na naročito opasan ili naročito drzak način (devet manje), u kojima su izvršioc, upotrebom fizičke snage – tri puta, te verbalnom prijetnjom u šest slučajeva, otimali nakit, novac i mobitele. Ova djela izvršena su na otvorenom prostoru – (ulica, park, i sl.) – sedam puta i dva puta u sportskim kladionicama.

Za ukupno 16 ovih djela (od čega je 11 iz ranijeg perioda) identifikovani su osumnjičeni izvršioc, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv četiri lica (svi su povratnici), a tri su lišena slobode.

1.2.6. KRIVIČNA DJELA PROTIV OPĆE SIGURNOSTI LJUDI I IMOVINE

Iz ove oblasti evidentirano je osam djela (jedno manje) - izazivanje opće opasnosti, a zbog postojanja osnova sumnje da su ih počinili nadležnom tužilaštvu podneseni su službeni izvještaji protiv šest lica a tri su lišena slobode.

Krivična djela izazivanja opće opasnosti izvršena su na otvorenom prostoru pri čemu je u tri slučaja aktivirana nepoznata eksplozivna naprava, zatim u jednom slučaju otvorenim plamenom izazvan je požar i u četiri slučaja pucano je iz vatrenog oružja. Posljedica izvršenja navedenih djela je ranjavanje jednog lica i nastala materijalna šteta.

1.2.7. KRIVIČNA DJELA PROTIV JAVNOG REDA I PRAVNOG PROMETA


U ovoj oblasti registrovano je 21 krivično djelo (dva manje), od čega se najveći broj odnosi na nasilničko ponašanje – sedam djela, nedozvoljeno držanje oružja ili eksplozivnih materija – šest, napad na službenu osobu u vršenju poslova sigurnosti – pet, krivotvorenje isprave – dva i sprečavanje službene osobe u obavljanju službene radnje – jedno djelo. Zbog postojanja osnova sumnje da su počinili krivična djela iz ove oblasti, nadležnom tužilaštvu podneseni su službeni izvještaji protiv 50 lica, a 42 su lišena slobode.

1.3. KRIVIČNA DJELA POČINJENA OD STRANE MALOLJETNIH LICA

U toku mjeseca februara 2014. godine, policijski službenici su nadležnom tužilaštvu podnijeli službene izvještaje protiv 10 maloljetnih lica zbog postojanja osnova sumnje da su izvršili 28 krivičnih djela. U odnosu na isti mjesec 2013. godine, broj maloljetnih učinilaca krivičnih djela smanjen je za jedan (ili 9,1%%), dok je broj krivičnih djela za koja su prijavljeni maloljetnici povećan za 14 (ili 100%).

Među prijavljenim maloljetnim učinocima, dva su u dobi do 14 godina, četiri u dobi između 14 i 16 godina i četiri u dobi od 16 do 18 godina. Od ukupnog broja maloljetnih učinilaca krivičnih djela, šest je povratnika (i ranije činili krivična djela) ili 60%.

Grafički prikaz broja krivičnih djela izvršenih od strane maloljetnih lica u toku mjeseca februara 2014./2013. godine, po organizacionim jedinicama



U ukupnom broju krivičnih djela koja su počinili maloljetnici, prevladavaju teške krađe (13), te razbojništva (5), a maloljetnici su prijavljeni i za izvršenje tri krivična djela posjedovanja opojne droge.

Struktura krivičnih djela izvršenih od strane maloljetnih lica u toku mjeseca februara 2014/2013. godine

KRIVIČNA DJELA	februar 2014.	februar 2013.	+ - %
Teška tjelesna povreda	1	1	0,0
Posjedovanje opojne droge	3	1	+200%
Razbojništvo	5	1	+400%
Pokušaj razbojništva	1	0	
Teška krađa	13	4	+225%
Pokušaj teške krađe	1	1	0,0
Krađa	0	1	
„Drška“ krađa	2	5	-60,0%
Učestvovanje u grupi ljudi koja učini krivično djelo	1	0	
Napad na službenu osobu u vršenju poslova sigurnosti	1	0	
UKUPNO	28	14	+14 ili +100,0%

1.4. OSTALA PROTIVPRAVNA I ASOCIJALNA PONAŠANJA

1.4.1. AKTIVIRANJE MINSKO-EKSPLOZIVNIH SREDSTAVA

U toku mjeseca februara 2014. godine evidentirana su četiri slučaja aktiviranja minsko-eksplozivnih sredstava (u istom mjesecu 2013. godine dva), od kojih tri imaju obilježja

krivičnog djela. U jednom slučaju su prilikom izvođenja radova na lokalnom putu, na području Trebevića usljed aktiviranja nepoznate eksplozivne naprave, dva lica zadobila teške, a dva lahke tjelesne ozljede.

U drugom slučaju je jedno lice zadobilo tešku tjelesnu ozljedu nakon što je aktiviralo ručnu bombu i protiv ovog lica je podnesen službeni izvještaj nadležnom tužilaštvu zbog osnova sumnje da je počinilo krivično djelo izazivanja opće opasnosti (čl. 323 KZ FBiH). U dva slučaja aktiviranja eksplozivne naprave, gdje su učinioci nepoznati, natupila je materijalna šteta na objektima.

Slučajevi aktiviranja minsko-eksplozivnih sredstava u toku mjeseca februara 2014. godine

r.b	Općina	Ulica i mjesto	Datum i vrijeme	Posljedice	Izvršilac
1.	Novo Sarajevo	Novopazarska 124, dvorište kuće	08.02.2014. oko 23,35 sati	materijalna šteta na kući	nepoznat
2.	Centar	Terezije bb, na platou Centra Skenderija, ispred poslovnog objekta	10.02.2014. oko 22,20 sati	omaterijalna šteta na dva poslovna objekta	nepoznat
3.	Centar	Nahorevo 171, kuća	11/12.2.2014. oko 02,50 sati	samopovređivanje- teška tjelesna ozljeda ruke	E. E. (1994)
4.	Stari Grad	Trebević - Istočno Sarajevo, lokalni put	27.02.2014. oko 12,45 sati	dva lica zadobila teške, a dva lahke tjelesne ozljede	prilikom rada građevinske mašine aktivirana eksplozivna naprava

U proteklom mjesecu nije bilo registrovanih anonimnih dojava o postavljenoj eksplozivnoj napravi (u istom mjesecu 2013. godine jedna).

1.4.2. OSTALE AKTIVNOSTI

U mjesecu februaru ove godine, policijski službenici su u sklopu operativnih aktivnosti izvršili pretres 99 lica, 24 stana, izvršili utvrđivanje identiteta za 41 lice i lišili slobode pet lica za kojima je bila raspisana potjernica. Takođe, pruženo je 45 asistencija i to na zahtjev državnih organa 28, a po ostalim zahtjevima 17 asistencija.

U cilju dokumentovanja krivičnih djela i identifikacije izvršilaca, izvršeno je 380 uviđaja, pronađeno i obrađeno 980 tragova, u 297 slučaja fotografisano je lice mjesta, 24 puta je skicirano lice mjesta, izvršeno 139 vještačenja i daktiloskopirano 51 lice.

U okviru potražne djelatnosti raspisane su 22 potjernice od strane sudova Kantona Sarajevo, a 15 je obustavljeno. Takođe, zaprimljeno je deset prijava o nestalim licima, a devet je obustavljeno.

U okviru depešnog saobraćaja predate su 2.473 depeše, primljeno 4.988, zatim tranzitirana 661, te putem faksa za područje RS-a, Granične policije i Distrikta Brčko predato 58 depeša, što ukupno iznosi 8.144 obrađene i razmjenjene depeše.

Za potrebe tužilaštva i drugih nadležnih organa izvršeno je 3.408 provjera iz evidencija, na zahtjev građana izdato 410 uvjerenja o njihovoj osuđivanosti ili neosuđivanosti, izvršeno 29 brisanja osuda iz evidencija u nadležnosti Ministarstva, otvoreno 115 novih dosja i evidentirano 437 lica oštećenih činjenjem krivičnih djela. Takođe, kontinuirano su pripremane informacije, pregledi i analize za interno i eksterno informisanje.

1.4.3. POŽARI

Tokom mjeseca februara 2014. godine, na području Kantona Sarajevo registrovano je 18 požara (13 više) koji su za posljedicu imali materijalnu štetu.

Požari su registrovani na području općina: Stari Grad – šest, Centar, Novi Grad i Trnovo – po tri požara, Ilidža, Hadžići i Vogošća – po jedan požar.

Prema statističkim pokazateljima, šest požara je izazvano namjerno, jedan nehatom, dok uzrok 11 požara spada u kategoriju ostalih.

Inspektorat za zaštitu od požara izvršio je 39 inspekcijskih pregleda i to: 27 redovnih inspekcijskih pregleda, 11 kontrolnih i jedan po zahtjevu stranke.

1.4.4. SAMOUBISTVA

U mjesecu februaru 2014. godine na području Kantona Sarajevo registrovano je jedno samoubistvo (dva manje) i to na području općine Novi Grad koje je izvršeno vješanjem a izvršilac je muškarac u dobi preko 50 godina.

5. AKTIVNOSTI NA PROVOĐENJU ZAKONA O NABAVLJANJU, DRŽANJU I NOŠENJU ORUŽJA I MUNICIJE I AKCIJE „ŽETVA 2014.“

U mjesecu februaru ove godine evidentirano je deset djela regulisanih ZONDINOM-om (dva više) počinjenih od strane deset lica od kojih je jedno lišeno slobode.

U sklopu aktivnosti na oduzimanju nelegalno posjedovanog oružja i drugih predmeta oduzeto je: sedam pištolja, pet pušaka, 24 „noža, mača, sablje i sl.“, tri boksera, 75 komada municije raznog kalibra, itd.

U izvještajnom mjesecu fizičkim licima izdato je 49 odobrenja za nabavku vatrenog oružja (22 više) i 51 oružni list (61 manje).

Takođe, tokom mjeseca februara organizacione jedinice ovog Ministarstva, u saradnji sa štabovima Civilne zaštite, EUFOR-om, EUPM-om i Oružanim snagama BiH, aktivno su učestvovala u realizaciji akcije ”ŽETVA 2014” s ciljem prikupljanja minsko-eksplozivnih sredstava, oružja, municije i druge vojne opreme. U navedenoj akciji prikupljeno je slijedeće naoružanje:

- ručne bombe – četiri komada,
- mine, granate i sl. – sedam kom.,
- pištolj – jedan kom.,
- municija raznog kalibra - 55 komad, itd.

2. JAVNI RED I MIR

U toku mjeseca februara 2014. godine, policijski službenici MUP-a Kantona Sarajevo su protiv učinilaca prekršaja kojima se narušava javni red i mir preduzeli ukupno 342 prekršajne


sankcije (naloga -229, zahtjeva-113), što u odnosu na mjesec februar 2013. godine predstavlja smanjenje za 30 ili 8,1%.

Prekršajne sankcije preduzete su protiv 370 lica, što u odnosu na isti mjesec 2013. godine predstavlja smanjenje za 48 ili 11,5%. Među učiniocima prekršaja iz oblasti javnog reda i mira, 63 su povratnika u izvršenju ovih prekršaja, sedam je maloljetnika i dva strana državljanina, a prema starosnoj strukturi učinilaca prekršaja najbrojniji su oni preko 36 godina (163), zatim između 26 i 35 godina (122) i između 19 i 25 godina (78).

Najveći broj naloga i zahtjeva odnosi se na prekršaje utvrđene Zakonom o prekršajima protiv javnog reda i mira – 323 (ili 94,4%), dok je zbog prekršaja utvrđenih Odlukom općinskih vijeća o javnom redu i miru preduzeto 19 prekršajnih sankcija (ili 5,6%).

Prilikom narušavanja javnog reda i mira, u slučajevima koji su sankcionisani u skladu sa Zakonom o prekršajima protiv javnog reda i mira, jedno lice je teže povrijeđeno (u uporednom mjesecu 2013. godine nijedno), dok je lakše povrijeđeno 29 lica (dva ili 6,5% manje), među kojima su tri maloljetnika.


Grafički prikaz broja prekršajnih sankcija preduzetih u toku mjeseca februara 2014./2013. godine, po policijskim upravama (i Jedinica za saobraćaj)



Posmatrano po policijskim upravama, najveći broj prekršajnih sankcija preduzeli su policijski službenici Prve policijske uprave (188 ili 50% od ukupnog broja), a znatno manje ostale policijske uprave: Druga PU- 59 ili 17,3%, Treća PU- 54 ili 15,8%, Četvrta PU- 32 ili 9,4%, te Peta PU -4 ili 1,2%. Policijski službenici Jedinice za saobraćaj MUP-a Kantona Sarajevo uručili su pet prekršajnih naloga (ili 1,5%).

Najveći broj prekršajnih sankcija koje su preduzele policijske stanice Stari Grad i Centar odnosi se na prekršaje učinjene prosjačenjem, koje je najizraženije upravo na području ove dvije općine. Naime, zbog ovog prekršaja, Prva policijska uprava preduzela je 114 prekršajnih sankcija, ili 60,6% od ukupnog broja.

Grafički prikaz broja prekršajnih sankcija u toku mjeseca februara 2014./2013. godine, po policijskim stanicama



Povećanje broja prekršajnih sankcija, u odnosu na mjesec februar 2013. godine, imale su policijske stanice:

- Novo Sarajevo (za 9 ili 18%);
- Novi Grad (za 8 ili 17,4%) i
- Ilidža (za 11 ili 91,7%);

Smanjenje broja prekršajnih sankcija imale su policijske stanice:

- Stari Grad (za 12 ili 10,3%);
- Centar (za 24 ili 22,2%);
- Hadžići (za 10 ili 55,6%);
- Vogošća (za 5 ili 71,4%) i
- Ilijaš (za 2 ili 50%).

Policijsko odjeljenje Trnovo imalo je smanjenje broja sankcija za jedan ili 50%, a Jedinica za saobraćaj MUP-a KS za četiri ili 44,4%

Tabelarni pregled strukture prekršaja iz oblasti javnog reda i mira
za mjesec februar 2014./2013.godina

PREKRŠAJI IZ ZAKONA O JRIM:	FEBRUAR 2014.	FEBRUAR 2013.	+ - %
<i>-Tuče</i>	55	60	-8,3%
<i>-Naročito drsko ponašanje</i>	43	33	+30,3%
<i>-Odbijanje naređenja i omalovaž. pol. služb.</i>	32	38	-15,8%
<i>-Prosjačenje</i>	151	168	-10,1%
<i>-Svađa, vika, nepristojno ponašanje</i>	4	15	-73,3%
<i>-Paljenje petardi</i>	0	1	
<i>-Ostali prekršaji iz Zakona o JRiM</i>	38	36	+5,6%
Prekršaji prema Odluci općinskog vijeća o JRiM	19	21	-9,5%

ukupno	342	372	-8,1%
--------	-----	-----	-------

U strukturi prekršaja **najbrojniji** su prekršaji učinjeni **prosjačenjem (151 ili 44,2%)**, zatim tučama (55 ili 16,1%), naročito drskim ponašanjem (43 ili 12,6%), te odbijanjem naređenja i omalovažavanjem policijskih službenika (32 ili 9,4%). Prekršajne sankcije su preduzete i zbog prekršaja učinjenih svađom, vikom i nepristojnim ponašanjem (četiri), te zbog svih ostalih prekršaja (38). Zbog prekršaja koji su utvrđeni Odlukom općinskih vijeća o javnom redu i miru preduzeto je 19 prekršajnih sankcija.

U odnosu na isti mjesec 2013. godine, u proteklom mjesecu povećan je broj prekršajnih sankcija zbog prekršaja učinjenih naročito drskim ponašanjem, kao i zbog ostalih prekršaja, dok je zbog svih ostalih prekršaja broj sankcija smanjen, što se posebno odnosi na prekršaje učinjene svađom, vikom i nepristojnim ponašanjem.

Najveći broj prekršajnih sankcija preduzet je zbog prekršaja izvršenih **na ulici i na drugim otvorenim prostorima (296 ili 86,5%)**, a znatno manje zbog prekršaja učinjenih u ugostiteljskim objektima (11 ili 3,2%), školama i školskim dvorištima (četiri), u trgovinskim radnjama (jedan), te na ostalim mjestima (30).

Tabelarni pregled broja prekršajnih sankcija
u mjesecu februaru 2014/2013. godine, prema mjestu izvršenja

MJESTO IZVRŠENJA	FEBRUAR 2014.	FEBRUAR 2013.	+ - %
Ugostiteljski objekti	11	18	-38,9%
Ulice i drugi otvoreni prostori	296	305	-3,0%
Vozila javnog saobraćaja	0	1	
Škole i školska dvorišta	4	7	-42,9%
Trgovine i zanatske radnje	1	3	-66,7%
Sportski tereni	0	2	
Ostala mjesta	30	36	-16,7%
UKUPNO	342	372	-8,1%

Kada su u pitanju krivična djela izvršena u školama i školskim dvorištima, u mjesecu februaru ove godine nije bilo registrovanih djela (u istom mjesecu 2013. godine dva).

U toku mjeseca februara 2014. godine, policijski službenici bili su angažovani na osiguranju 128 javnih skupova koji su održani na području Kantona Sarajevo (17 ili 15,3% više) i tim povodom preduzimane su odgovarajuće planske aktivnosti na njihovom bezbjednom odvijanju. Takođe, u 16 slučajeva izvršeno je KDZ osiguranje ovih skupova (30 ili 65,2% manje u odnosu na isti mjesec 2013. godine).

PROTESTI GRAĐANA

Policijski službenici MUP-a Kantona Sarajevo su tokom mjeseca februara 2014. godine profesionalno i u skladu sa Zakonom, poštujući sva prava građana, vršili osiguranje protestnih okupljanja građana.

Protesti građana su održani 07.02.2014. godine u ul. Reisa Džemaludina Čauševića i trajali su od 11.55 do 20.00 sati. Na njima je učestvovalo 2.000 do 3.000 građana. Na početku mirni protesti, prerasli su u napade na policijske službenike i uništavanje objekata, putničkih

motornih vozila i saobraćajne infrastrukture, te činjenje teških krađa u poslovne i trgovinske objekte. Usljed nasilničkog ponašanja grupa i pojedinaca povrijeđeno je 144 policijskih službenika, od kojih su 132 lakše, a 12 teže povrijeđena, a od ovog broja teže povrijeđenih njih 6 je zadržano na daljem liječenju. Tri službena motorna vozila su znatno oštećena, te velika količina opreme. Također, povrijeđeno je i 138 protestanata.

Oštećeno je i zapaljeno više objekata: zgrada Općine Centar, Vlade Kantona Sarajevo, Predsjedništva BiH i Ministarstva vanjskih poslova. Zapaljeno je i više putničkih motornih vozila koja su bila parkirana u neposrednoj blizini. O svim događajima obaviješteno je Kantonalno tužilaštvo u Sarajevu i Tužilaštvo Bosne i Hercegovine čiji tužitelji su rukovodili uviđajima na mjestu događaja. Policijski službenici MUP-a KS su protiv 39 izgreznika – učesnika protesta, podnijeli službene izvještaje nadležnom tužilaštvu zbog osnova sumnje da su počinili sljedeća krivična djela: učestvovanje u grupi ljudi koja učini krivično djelo (čl. 341 KZ FBiH), nasilničko ponašanje (čl. 362 KZ FBiH), napad na službenu osobu u vršenju poslova sigurnosti (čl. 359 KZ FBiH), sprečavanje službene osobe u vršenju službene radnje (čl. 358 KZ FBiH), oštećenje tuđe stvari (čl. 293 KZ FBiH) i teška krađa (čl. 287 KZ FBiH) .

3. SAOBRAĆAJ

Tokom mjeseca februara 2014. godine, u odnosu na isti mjesec prošle godine, na području Kantona Sarajevo registrovano je smanjenje ukupnog broja saobraćajnih nezgoda i nezgoda sa materijalnom štetom, dok je povećan broj nezgoda sa nastradalim licima i broj nastradalih lica.

Evidentirane su 653 saobraćajne nezgode (60 ili 8,4 % manje), 595 sa materijalnom štetom (69 ili 10,4 % manje) i 58 sa nastradalim licima (devet ili 18,4 % više).

U naselju su registrovane 632 saobraćajne nezgode (tri sa poginulim, 52 sa povrijeđenim licima i 577 sa materijalnom štetom), van naselja 21 nezgoda (jedna sa poginulim, dvije sa povrijeđenim licima i 18 sa materijalnom štetom).

Evidentirana je 131 saobraćajna nezgoda na raskrsnicama u naselju, jedna na raskrsnici van naselja, 10 na prelazu preko željezničke pruge i 511 saobraćajnih nezgoda čije se karakteristike puta ubrajaju u kategoriju ostalih.

Uporedni pokazatelji saobraćajnih nezgoda i posljedica na području Kantona Sarajevo za mjesec februar 2014/2013. godina

	februar 2014	februar 2013	+ , - , %
UKUPNO SAOBRAĆAJNIH NEZGODA	653	713	- 60 ili 8,4 %
Saobraćajne nezgode sa nastradalim licima	58	49	+ 9 ili 18,4 %
Saobraćajne nezgode sa materijalnom štetom	595	664	- 69 ili 10,4 %
POGINULO LICA	4	3	+ 1 ili 33,3 %
- vozači	1	2	- 1 ili 50 %
-putnici	1	0	+ 1
- pješaci	2	1	+ 1 ili 100 %
POVRIJEĐENO LICA	69	68	+ 1 ili 1,5 %
- vozači	35	25	+ 10 ili 40 %

- putnici	15	21	- 6 ili 28,6 %
- pješaci	19	22	- 3 ili 13,7 %

Najveći broj saobraćajnih nezgoda evidentiran je na području općina: Centar (161) i Novo Sarajevo (128). Najveće povećanje broja saobraćajnih nezgoda registrovano je na području općine Novo Sarajevo (za osam ili 6,7 %), a smanjenje na području općine Novi Grad (za 37 ili 23 %).

Tabelarni pregled broja saobraćajnih nezgoda po općinama za mjesec februar 2014/2013. godina

period	UKUPAN BROJ SAOBRAĆAJNIH NEZGODA PO OPĆINAMA									ukupno
	Stari Grad	Centar	Novo Sarajevo	Novi Grad	Ilidža	Hadžići	Trnovo	Vogošća	Ilijaš	
2014	65	161	128	124	105	12	2	40	16	653
2013	60	172	120	161	109	16	6	50	19	713
+, -, %	+ 5 ili 8,3 %	- 11 ili 6,4 %	+ 8 ili 6,7 %	- 37 ili 23 %	- 4 ili 3,7 %	- 4 ili 25 %	- 4 ili 66,7 %	- 10 ili 20 %	- 3 ili 15,8 %	- 60 ili 8,4 %

3.1. POSLJEDICE SAOBRAĆAJNIH NEZGODA

Tokom mjeseca februara 2014. godine, u saobraćajnim nezgodama na području Kantona Sarajevo 73 lica su nastradala (dva ili 2,8 % više). Četiri lica su poginula (jedno ili 33,3 % više), dok je 69 lica povrijeđeno (jedno ili 1,5 % više), 10 teže i 59 lakše.

Među povrijeđenim licima evidentirano je:

- 35 vozača (10 više)
- 15 putnika (šest manje)
- 19 pješaka (tri manje)

Tabelarni pregled nastradalih lica u saobraćajnim nezgodama po kategoriji učesnika za mjesec februar 2014/2013. godina

	POGINULO			TEŠKO POVRIJEĐENO			LAKŠE POVRIJEĐENO		
	feb. 2014	feb. 2013	+, -, %	feb. 2014	feb. 2013	+, -, %	feb. 2014	feb. 2013	+, -, %
VOZAČI	1	2	-1 ili 50 %	4	2	+2 ili 100 %	31	23	+ 8 ili 34,8 %
PUTNICI	1	0	+ 1	1	3	- 2 ili 66,7 %	14	18	- 4 ili 22,2 %
PJEŠACI	2	1	+ 1 ili 100 %	5	9	- 4 ili 44,4 %	14	13	+ 1 ili 7,7 %
UKUPNO	4	3	+ 1 ili 33,3 %	10	14	- 4 ili 28,6 %	59	54	+ 5 ili 9,2 %

Kada je u pitanju stepen povreda, četiri vozača su teže, a 31 lakše povrijeđen, jedan putnik je teže, a 14 lakše povrijeđeno, dok je pet pješaka teže, a 14 lakše povrijeđeno.

Najveći broj povrijeđenih lica registrovan je na području općine Novi Grad – 19 (tri teže i 16 lakše).

Posljedice saobraćajnih nezgoda po policijskim upravama/stanicama za mjesec februar 2014/2013. godine

policijska uprava	policijska stanica/odjeljenje	broj poginulih lica			broj teže povrijeđenih lica			broj lakše povrijeđenih lica		
		feb. 2014	feb. 2013	uporedba	feb. 2014	feb. 2013	uporedba	feb. 2014	feb. 2013	uporedba
I PU	Stari grad	0	0	-----	2	0	+2	3	2	+ 1 ili 50 %

	Centar	0	0	-----	1	3	- 2 ili 66,7 %	13	10	+ 3 ili 30 %
II PU	Novo Sarajevo	1	0	+ 1	1	1	isto	11	6	+ 5 ili 83,3 %
III PU	Novi Grad	1	0	+ 1	3	3	isto	16	13	+ 3 ili 23,1 %
IV PU	Ilidža	0	0	-----	2	4	- 2 ili 50 %	9	10	- 1 ili 10 %
	Hadžići	0	2	- 2	0	1	- 1	1	4	- 3 ili 75 %
	Trnovo	0	0	-----	0	0	-----	0	0	-----
V PU	Vogošća	1	1	isto	0	2	- 2	4	5	- 1 ili 20 %
	Ilijaš	1	0	+ 1	1	0	+ 1	2	4	- 2 ili 50 %
UKUPNO		4	3	+ 1 ili 33,3 %	10	14	- 4 ili 28,6 %	59	54	+ 5 ili 9,2 %

Starosna struktura lica povrijeđenih u saobraćajnim nezgodama je sljedeća: od 31 do 40 godina – 13 lica, od 41 do 50 godina -12 lica, od 51 do 65 godina – 10 lica, od 21 do 24 godine – osam lica, od 25 do 30 godina – sedam lica, itd.

Prema kategoriji puta, najveći broj saobraćajnih nezgoda registrovan je na ulicama u naselju – 533 nezgode u kojima su 62 lica nastradala (dva lica poginula, 60 lica povrijeđeno), zatim na magistralnim putevima – 93 nezgode u kojima je devet lica nastradalo (jedno lice poginulo, osam lica povrijeđeno), na lokalnim putevima – 16 nezgoda (jedno lice poginulo), na regionalnim putevima – devet nezgoda (jedno lice povrijeđeno) i na putevima koji se ubrajaju u kategoriju ostalih – dvije saobraćajne nezgode (bez nastradalih lica).

3.2. UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju ostalih – 535 (dva lica poginula, 40 lica povrijeđeno), neprilagođena brzina- 98 (jedno lice poginulo, 24 lica povrijeđena), uticaj alkohola – 19 (jedno lice poginulo, pet lica povrijeđeno) i odron na putu – jedna saobraćajna nezgoda (bez nastradalih lica).

Evidentirano je pet saobraćajnih nezgoda (dvije manje), u kojima su učestvovali pripadnici MUP-a Kantona Sarajevo. U navedenim saobraćajnim nezgodama nije bilo nastradalih lica. Evidentirane su 24 saobraćajne nezgode (devet manje) u kojima su učestvovali inostrani vozači i dvije nezgode (tri manje) u kojima su učestvovali vozači diplomatskog kora (bez nastradalih lica).

3.3. AKTIVNOSTI POLICIJE IZ OBLASTI SIGURNOSTI SAOBRAĆAJA

Tabelarni pregled aktivnosti policije po policijskim upravama za mjesec februar 2014 /2013. godine

	februar 2014/2013	UKUPNO	I PU	II PU	III PU	IV PU	V PU	Jedinica za saob.
broj kontrolisanih vozila	2014	14.294	1.548	1.854	3.454	2.709	1.084	3.645
	2013	21.077	3.374	2.532	5.107	3.135	2.337	4.592
broj uručenih prekršajnih naloga	2014	10.998	1.348	1.464	622	711	386	6.467
	2013	13.475	2.659	1.498	978	901	1.086	6.353
broj zahtjeva za p.p.p.	2014	88	13	0	34	31	3	7
	2013	46	14	0	26	2	2	2
broj isključenih vozila iz saobraćaja zbog tehničke neispravnosti	2014	30	1	0	0	0	1	28
	2013	23	2	2	2	2	1	14
broj vozača zatečenih da upravljaju vozilom pod dejstvom alkohola	2014	281	36	52	16	31	30	116
	2013	555	139	119	30	22	69	176
broj vozača zatečenih da upravljaju vozilom bez korištenja sig. pojasa	2014	822	62	220	43	70	47	380
	2013	1.248	135	294	41	133	205	440

broj vozača zatečenih da upravljaju vozilom bez položenog vozačkog ispita	2014	213	10	41	5	23	16	118
	2013	245	55	46	17	23	22	82
broj vozača zatečenih da upravljaju vozilom pod izrečenom zaštitnom mj.	2014	19	19	0	0	0	0	0
	2013	0	0	0	0	0	0	0
broj vozila otkrivenih da učestvuju u saobraćaju bez važeće registracije	2014	128	18	15	5	17	10	63
	2013	200	37	15	23	16	26	83

Tokom mjeseca februara 2014. godine, kontrolisana su ukupno 14.294 vozila (6.783 manje).

Zbog tehničke neispravnosti iz saobraćaja je isključeno 30 vozila (sedam više), 281 vozač je zatečen da upravlja vozilom pod dejstvom alkohola (274 manje), 822 bez korištenja sigurnosnog pojasa (426 manje), 213 bez položenog vozačkog ispita (32 manje), a 128 vozača je učestvovalo u saobraćaju bez važeće registracije (72 manje).

Zbog kršenja propisa iz oblasti sigurnosti saobraćaja uručeno je 10.998 prekršajnih naloga vozačima (2.477 manje u odnosu na februar prošle godine) i podneseno 88 zahtjeva za pokretanje prekršajnog postupka (42 više).

4. ZAKONITOST U RADU

Tokom mjeseca februara 2014. godine, registrovano je pet napada na policijske službenike MUP-a Kantona Sarajevo (tri više) na području koje obezbjeđuju službenici Prve i Četvrte PU. U napadima je učestvovalo 40 lica i tom prilikom su povrijeđena 144 policijska službenilka MUP-a Kantona Sarajevo (12 teže i 132 lakše).

Policijski službenici su u sedam slučajeva opravdano upotrijebili silu (šest više):

- fizičku snagu i sredstva za vezivanje – četiri puta
Prva PU (PS Centar)- dva puta
Četvrta PU (PS Ilidža) – dva puta
- hemijska sredstva, fizičku snagu i policijsku palicu – jednom
Jedinica za specijalističku podršku
- fizičku snagu i policijsku palicu – jednom
Prva PU (PS Centar)
- fizičku snagu - jednom
Treća PU (PS Novi Grad)